

四部唐文粹
刊西崑洲唱集

第三〇二函
函九冊

西崑唱和詩人姓氏

楊億翰林學士左司諫知制誥

劉筠大理評事秘閣校理

錢惟演太僕少卿直秘閣

李宗諤翰林學士

陳越著作佐郎直史館

李維戶部員外郎直集賢院

劉鶚工部員外郎直集賢院

丁謂樞密直學士

刁衍駕部員外郎直秘閣

元闕

張詠樞密直學士

錢惟濟恩州刺史

任隨

舒雅

職方員外郎祕閣校理監舒州靈仙

晁迥

翰林學士

崔遵度

左司諫直史館

薛映

右諫議大夫

秉

西崑訓唱集卷上

受 詔修書述懷感事三十韻

楊億

翰林學士
諫知制誥

太極垂裳日中原偃革初樓船秋發詠衡右夜程書
好問虛前席徵賢走傳車蓬萊侔漢制煨燼訪秦餘
紬繹資金匱規模出玉除紛綸開四部祕邃接千廬
飫賜雙雞膳親廻六尺輿華芝下閭闔白羽擁諸胥
望氣成龍虎披文辯魯魚清光無咫尺玄覽亦躊躇
群彥揮鉉筆微生濫石渠嵇康真懶慢謝客本空疎
講學情田埴談經腹笥虛月評依許劭文體慕相如
雅飲歡娛洽清言鄙悵祛彌旬容出沐終日喜群居
撫已慚鳴玉歸田憶荷鋤池籠養魚鳥章服裹猿狙

園府愁尸祿天閭媿弊裾虛名同鄭璞散質類莊樗
國士誰知我隣家或侮予放懷齊指馬屏息度羲舒
寡婦宜憂緯三公亦灌蔬危心惟散鯨直道忍邁籬
往聖容巢許先儒美甯蘧晨趨歎勞止夕惕念歸歟
秦痔疎杯酒顏瓢賴斗儲如諧曲肱卧猶可直釣漁
矯矯龜銜印翩翩隼畫旗一麾終遂志阮籍去騎驢

劉筠

大理評事
秘閣校理

良弼論思暇英才視草餘西清承密旨東觀類群書
左氏先經日征南發例初編年終顯德歷帝自凡遽
一覽無前古三長豈後予宏綱提要妙至論絕遽蔭
訛繆刊三豕公平喜衆狙菁英咸采掇瘡贅盡銷除
組織千章合研窮萬象虛胡爲參也魯亦造仲尼居

慶末加駢拇於中或輔車乘軒思衛鶴努力效劉驢
見禪曾求多臨川復羨魚孰云貂可續自愧鶡雞如
早入希東郭先知服子輿直非頭似筆智謝里名樗
蝸舍遊從寡鷄衣禮貌疎寸陰嗟荏苒十駕敢躊躇
天祿楊雄閣承明嚴助廬時陪折俎宴頗異帶經鋤
繫日親函丈他門絕曳裾卓錫然有地擔石尚無儲
獵犬方勞指神龜可避漁屠門誇大嚼鼠壤鄙餘蔬
闕里辭難措漳濱病且祛學勤徒力爾性拙奈天歟
大道今興起先生意卷舒正爲王者瑞何羨使君璠
暗室欣觀火頽波賴決渠當仁如退讓末跡定淪胥

南朝

億

五鼓端門漏滴稀夜籤敲斷翠華飛繁星曉埭聞雞

度細雨春場射雉歸步試金蓮波濺襪歌翻玉樹涕
沾衣龍盤王氣終三百猶得澄瀾對敞扉

錢惟演

太僕少卿直秘閣

結綺臨春映夕霏景陽鍾動曙星稀潘妃寶釧光如
畫江令花牋落似飛舴艋凌波朱火度觚稜拂漢紫
烟微自從飲馬秦淮水蜀柳無因對殿幃

筠

華林酒滿勸長星青漆樓高未稱情麝屏燈迴偏照
畫雀航波漲欲浮城鍾聲但恐嚴粧晚衣帶那知敵
國輕千古風流佳麗地盡供哀思與蘭成

李宗

諤翰林學士

仙華玉壽夜沉沉三閣齊雲復道深平昔金鋪空廢

苑于今瓊樹有遺音珠簾映寢方成夢麝臂飄香未
稱心惆悵雷塘都幾日吟魂醉魄已相尋

禁中庭樹

億

直幹依金闥繁陰覆綺楹累珠晨露重嘒管夜蟬清
霜桂丹丘路星榆北斗城歲寒徒自許蜀柳笑孤貞

惟演

紫闥分陰地丹條擢秀時高枝接溫樹密葉覆辛夷
夜影搖光接晨英玉露滋乘春好封殖爲賦角弓詩

筠

羽葉籠盤石虬枝拂畫堂夜鼓含素瑟曉影逼扶桑
好借鸞爲瑞無容麝擅香寧知千載後祇羨召公棠

休沐端居有懷希聖少卿學士 億

凝塵滿榻素琴橫岸幘孤吟意未平茗粥露芽銷晝
夢柘漿雲液浣朝醒水沉朱李金瓶澁風獵幽蘭羽
扇輕獨憶當筵試湯餅謫仙冰骨照人清

惟演

雕盤瓊蕊冰聲寒澌密樹蟬嘶下直時更賦新詩答
靈運不將團扇隔元規經梅綠草沿堦上盡日流風
轉蕙遲祇待觚稜照初旭橫經還集絳紗幘

鈞

轍轡風檐乳燕翔浴蘭衣綵簾流黃雲容倏變千峰
險草色相沿百帶長旋製紫荷供橐筆暗移神蔡忍
攄牀思君祇欲傾家釀待警同誰賦栢梁

陳越

著作佐郎
直史館

玉甃銀牀蔭碧桐
北窓珍簾水紋融
衣裁練布如玉
導扇執蒲葵學謝公
瓊屑半和仙掌露
蘭茗輕泛楚臺風
若非冰雪神仙骨
相樂誰同一笑中

李維

戶部員外郎
直集賢院

銀闕琳房視草餘
龍門岑寂斷軒車
彩毫閒試金壺墨
青案時看玉字書
王儉風流希謝傳
子雲詞賦敵相如
瓊枝不見蕭齋晚
蕙草烟微度綺疏

再次首唱韻和

惟演

雲變危峰萬里橫
簾鋪湘水一床平
紅蘭受露消晨渴
綠蕙翻風折夜醒
逸少偶書葵扇貴
羊欣閒卧練裙輕
無妨天上芝泥熟
獨看瑤光近太清

億

碧樹銀塘接畫樓
天人誰肯降瓊輶
三山密信傳青雀
五日歸鞍躍紫騮
郢酒泛冰星并側
吳歛倚瑟黛蛾愁
雲峰得句懷真賞
瘦盡東陽沈隱侯

槿花

筠

紫霧函燈檠彤霞
逼綺寮吳宮何薄
命楚夢不終朝
半被曾羞問鄰牆
却悔招莫移風雨
怨更囑鵲爲橋
億

宿霧初披縠晨霞
暫照梁千金經換
笑七駕未成章
塵暗神妃襪衣殘
侍史香深情傳寶
瑟終古怨清湘

劉儵

工部員外郎
直集賢院

號國粧初罷高堂
夢始迴霓裳猶未
解繡被已成堆

赤帝宮簾卷華陽洞戶開神仙有良會清唱在瑤臺

惟演

綺霞初結處珠露未稀時寶樹寧三尺華燈更九枝
亭亭方自喜黯黯却成悲欲作非烟散猶憐反照遲

代意二首

億

夢蘭前事悔成占却羨歸飛拂画簷錦瑟驚弦愁別
鶴星機促杼怨新縑舞腰罷試收紈袖博齒慵開委
玉奩幾夕離魂自無寐楚天雲斷見涼蟾

短夢殘粧慘別魂白頭詞苦怨文園誰容五馬傳心
曲祇許雙鸞見淚痕易變青隨南地橘忘憂虛對北
堂萱回文信斷衣香歇猶憶章臺走畫轅

宗謬

霧鴛曉影忽參差雲雨陽臺後夢思自是膠弦無續
日不同珪月有圓時洞房斗帳承新愛河漢星橋隔
後期綺榭凝塵斷消息杼情空擬四愁詩

丁謂

樞密直學士

玦帶珊瑚珮解瓊楚雲無定好傷情臨卽已誤通琴
意金谷難尋辯玉聲微警單棲盤露重密含幽思曉
蘭平明珠百琲將何當悵望輕軀病欲成

刁衍

駕部員外郎直秘閣

蕙時芳夕九回陽歛袂東窓待曉光秦嶺樹高迷隴
塞楚天雲澹隔瀟湘病餘公幹情多詠秋晚安仁髮
足霜休道鮫人落珠淚微波還擬託陳王

筠

華池阿閣不相容。濁水清塵恨莫窮。明月自新班女
扇。行雲無柰楚王風。乳鶯啼曉銷蘭炷。媚蝶傷春失
蕙叢。縱使多才如子建。祇能援筆賦驚鴻。

元闕

懊惱鴛鴦未白頭。却尋遺翠失芳洲。離魂暗逐明珠
佩。遠目偏傷紫桂樓。湘水渺瀰歸別渚。隴雲容與澹
新秋。菖花若有重開日。得見菖花亦自羞。

隰

路隔仙源不可尋。紫墻霜戟夜沉沉。絨情謾託傳書
鴈。換笑空餘取酒金。翡翠巢成珠樹密。驪龍睡起玉
淵深。新知自樂生離苦。年少情多豈易禁。

漢武

億

蓬萊銀闕浪漫漫弱水回風欲到難
光照竹宮勞夜拜露溥金掌費朝飧
力通青海求龍種死諱文成食馬肝
待詔先生齒編貝那教索米向長安

筠

漢武天臺切絳河半涵非霧鬱嵯峨
桑田欲看他年變匏子先成此日歌
夏鼎幾遷空象物秦橋未就已沉波
相如作賦徒能諷却助飄飄逸氣多

惟演

一曲橫汾鼓吹迴侍臣高會栢梁臺
金芝燁煜凌晨見青雀軒翔白晝來
立候東溟邀鶴駕窮兵西極待龍媒
甘泉祭罷神光滅更遣人間識玉杯

衍

高宴柏梁詞可仰橫汾簫鼓樂難窮已教丞相開東閣猶使將軍悞北戎洒淚甘泉還有恨祈年仙館惜成空誰知辛苦回中道共盡千齡五柞宮

任隨

太常丞直集賢院

棘庭深恨隔仙曹桂館蜚廉事轉勞銀闕尚沉滄海闊井幹空拂絳河高蒼陽戈獵侵多稼朔塞旌旗照不毛苦信憑虛王母說東方三度竊蟠桃

隲

高挹方諸薦水倉醺壇時見燭神光日邊甲帳雖虛設汾上樓船不可忘盤檠碧霄甘露白鼎遷幽壤瑞雲黃東巡岱嶽探金策倒指寧聞壽數長

宗諤

建章宮闕鬱岧峣露掌脩莖倚次窠平樂館中觀角
觝單于臺上懾天驕蓬萊望氣滄波濶太一祈年紫
府遙西母不來東朔去茂陵松栢令蕭蕭

館中新蟬

筠

庭中嘉樹發華滋可要螳螂共此時翼薄乍舒宮女
髮蛻輕全解羽人尸風來玉女鳥先轉露下金莖鶴
未知日永叢長蕪夜思肯容潘岳到秋悲

億

碧城青閣好追涼高柳新叢逐吹長貴伴金貂尊漢
相清含珠露怨齊王蘭臺密侍初成賦河朔歡遊正
舉觴雲鬢翠綫徒自許先秋楚客已回腸

惟演